

1928

برنجی جلد

0534
Teha
T 12


خان بیلکسی مجموعہ سی

خان بیلکسی درنکی عمومی مرکزی طرفندہ نشر اولو نور

مدیری :

ضیاء الدینہ فخری

خلق بیلکسی درنکی کاتب عمومی سی



آنقرہ

1928

بوتون دنیاده کی وحشی قبیله لری نظر اعتباره آلا جق اولورسه ق اونلر حقنده اک مهم معلوماتی بابادن اوغله کچن فولقلورلرنده بولا بیلیرز . فقط شونی اونو تمیالم که مقایسه لی اساطیر ، مقایسه لی اخلاقیاتک تأییدلرندن وتوصیفلرندن عاری قالاماز . شعورلو بر موفقیته ترجمه ایدیه بیلیرسه هر عادتک نافع بر تاریخی واردر . هر هانکی بر قبیله نک نروده ، نه وقت و ناصل اولانباتاته ، ویا حیوانلره ، یا خود خورتلاقلره طاپندقلرینی آکلارسه ق آنتروپولوژی مسئله سنک اساسنی حل ایتک پک قولایلا شمش اولور . حتی بو کونکی عصری ، اجتماعی ویا خصوصی حیاتده کی اولمه ، دوغوم و تولوم وقعه لری دقتله آراشدیریلیرسه ایلک انسانلرک هیچ اولمازسه حیاتلری طرزی حقنده بسیط بر معلومات آله ایدیه بیلیر .

ترجمه ایدن :

VEDİDE BAHA



حیاتنک ایزلری ، زمانک حسسز ، انصافسنز آلیله تماماً سیلنمش اولدیغی ایچون ، بوتون غیرتمزه رغماً ، اطرافنده کی کشیف قارا کلغی داغیتارق سیاسی تنویره موفق اولامادیغمز ساز شاعرلرندن بریده ، خوجا اوغلیدر . کندیسندن ، آنجاق محصوللری واسطه سیله خبردار اولدیغمز خوجا اوغلی ، یاشادیغی ، یتیشدیکی دوری تعیین خصوصنده بردستانیه بزه بالذات رهبرلک ایدیور :

نصوح پاشا ایله جه کیدنلر
عجب نام قودیلر عربستانه
واروب بیت الله طواف ایدنلر
مستحق دکلی باغ جنانه .

✽

نه در بو عربک ایتدیکی ایشلر
ییدیلر قیلنجی کوره لم نیشلر
سو کولدی جبه لر ، کسیدی باشلر
بویاندی کوهلر قیرمزی قانه .

✽

ینہ ظاہر اولدی کشف و کرامت
عربك باشنه قوپدی قیامت
حجاج مسلمین کچدی سلامت
ایریشدی حاجیلر امن وامانه

✱

خواجہ اوغلی عالم بیلورمی بیلمم
بودوزنلك بویله قالورمی بیلمم
بركلش بردخی کلورمی بیلمم
بویله بر قهرمان آخر زمانه

بودستانده حکایه ایدیلن وقعه، عصیان ایدهرک حج یوللرینی قاپایان [1] حجاز بدویلرینک،
دستانک برحی قطعہ سنده اسمی کچن نصوح پاشا طرفندن تنکیلی وجه کیده نلرک امنیت
وسلامتنک تأمیندر. نصوح پاشا، آیدین محصللغندن [1120] ده شام والیلکیله حج
امیرلکنه تعیین ایدیلش اولدیغنه کوره، حجاز بدویلرینک تأدی حادئهنسک اوسنه جریان
ایتمش و دستانک ده ینه عین تاریخده یازیلش اولماسی لازم کلیر. شو حالده خوجا اوغلنک،
اون ایکنجی عصرک ایلك نصفنه منسوب اولدیغنی تثیت ایتکده مخذور اولماسه کر کدر.

*

**

حکمی یه دائر معلومات ایدینه بیلمک برآز اول بحث ایتدی کمز نصوح پاشایی یاقیندن
طانیقله ممکندر. نصوح پاشا، صوفتا ایکن سردن کچدی آغالغنی آلدہ ایتد کدن صو کرا
بکلبکی پایه سیله (1110) ده صاروخان، (1115) ده آیدین محصلی اولوب اصلاً
آیدینلی و عثمان اوغلی لقبیله مشهوردی. شدید و شجیع اولدیغنی جهته، (1120) ده
شام والیلکیله حج امیرلکنه تعیین اولونمش و اوسنه عاصی بدویلری پریشان ایدهرک
حج یولنی آچمش، بو خدمتیله حکومت مرکزنده اپی اعتبار و محبت قازانمشدی. فقط
پاشا، جسور اولدیغنی قادارده حریص و مقامه، ثروته، دبدبیه فضلہ دوشکوندی. بوکا
بناء شام ولایتی کندیسنه کوچوک کلش، نفوذینک دائرہ سنی کنیشله تمک فکريله،
علاوة «صیدا، بیروت، طرابلس شام» لکده عهدہ سنه توجیهنی ایسته مشدی. مع مافیہ
بوطلبی، استانبولی قوشقولاندر مقدن باشقا برشیئه یارامامش، تفرد ادعاسنه قالمیشدیغنی
ظن اولونارق، ایلریده دولتک باشنه برغائله جیقارماسی احتمالی دوشونولمکه باشلامشدی.
نهایت هر هانکی بر تهلکه نک اوکنه وقتنده کچیلیمک اوزره اعدامی قرارلاشدیریش،

[1] بو عصیان حادئهنسی حقنده راشد تاریخنده ایچه تفصیلات وارددر. [1153 طبعی، ج 2، ص 43]

بوقرار (1126) تطبیق اولمشدر . [1] اعدامنه قرار ویریلدیکی زمان ، نصوح پاشانك
لسانندن یازیلش بردستان موجوددرکه ، بو، حکمینك اثریدر :

ایام دولته عثمان اوغلیدم
یولکه فدا در سر پادشاهم
بر کیش بر دخی کلورمی بیلیم
بن کبی قهرمان ار پادشاهم .

✽

حر مکده مقیم ایدم بر زمان
کعبه یولن ایتدم امن ایله امان
اصر کله چولارده اولورسه م قربان .
بیلنسون خیر ایله شری پادشاهم

✽

رضا اولدم اصر حقدن کلنجه
چاره یوقدر پیمانه من طولنجه
روز محشر حق دیوانی اولنجه
کلندی سؤالم ویر پادشاهم

✽

عربان حازه اولمشکن غالب
اولدقی خنکارم بز قتل واجب
ذره جه مهرکه اهلقدق طالب
بنی قولارکه صور پادشاهم

✽

حکمی فراقم ایلسون مشهور
زیارتله اولسون قبرض معمور
چولاری صولادی مثال یاغهور
آلمزدن آقان تر پادشاهم

بودستانه نظراً ، حکمینك ده این ایکنجی عصرک ایلک نصفنده یاشادیغنی ، بناء علیه
خوجا اوغلی ایله معاصر اولدیغنی قبول ایتک ضروریدر .
بزه قالیرسه ، کرک خوجا اوغلی ، کرک حکمی ، نصوح پاشانك آداملرنندی .
هرایکیمی پاشا ایله حازه کیده رک عاصیلرک تنکیلنه معطوف حر کتله اشتراک ایتش ،
بری افندیسنك ظفر و موفقیتنی ترنم ایتدیکی کبی ، دیکری ده فلاکتنه آغلامشدر .
او دورده ایالتلرده کی وزیرلرک ، بکلرک معیتلری آراسنده خلق شاعرلرینك ده موقی
بولونماسی دولایسیله ، بویله بر تخمینك خطا تشکیل ایتیه جکی ظنده یز .

MEHMET HALİT

[1] مورخ راشده نظراً ، نصوح پاشا ، بر متغلبدن باشقا برشی دکیلدر . حیاته ، نتیجه سنه
دائر راشد تاریخنده قیمتلی معلومات موجوددر . [1153 طبعی ، ج 2 ، ص 97 - 98]